

李中麓閒居集

李中麓閒居集序

世有好棊與詩酒者壽將百歲有客疑而問之  
三者動火而耗氣血何以能躋高壽老者自言  
吾之於棊信手而已於詩信口而已於酒取其  
淡泊者解渴吻潤枯腸而已薛西原詩能逼唐  
後會馬西玄於濠梁曰古來詩人惟一陳簡齋  
李愚谷夢虞集自託於常評事唐荆川欲效寒  
山擊壤集王南江語所知曰佳文無如學庸兩  
序四子者當其幼年盛氣詩文皆尚奇古且在

仕途欲以功業雄出一時而流名百代及其世  
故熟而世情淡齒長官罷故其所言如此而老  
者原以布衣是以三者終其身中麓子雖資  
不敏而才最下亦嘗官京師從數子刻苦為奇  
古詩復欲建功立業如四子所期待年四十罷  
歸田里既無用世之心又無名後之志頓然覺  
悟詩不必作作不必至或撫景觸物興不能已  
或有重大事及親友懇求時出一篇信口直寫  
所見如老者之詩之蒸酒又如四子之所云然

自稱其集曰閒居以別官居時苦心也雖然居  
官之苦多矣固不獨俳詩云耳吾今閒居不虞  
得失作詩不較工拙其樂有難以言傳者觀吾  
詩者幸求諸言外可也

嘉靖丙辰冬日中麓李開先書

李中麓閒居集之一

四言古詩

大河久旱而雨志喜也僖公閔雨喜雨春秋書之見其有志於民是故雨旱民命也閔喜人情也作大河

大河涓涓高山童童道多渴死民乃困窮誰知離亂即于我躬

大江以南太行而東久遭金華旱當蘊隆三年

于茲千里其同

五日不雨歲飢而凶十日不雨莫知所終寧獨  
知慧憂及愚蒙

天仁不靳憫恤吾農勢極必復雨而以風風不  
害稼雨且殺蟲

初雨濛濛已而蔽空洶瀑淙淙黍穀芄芄民不  
告飢年或可豐

蛟迷其穴蟻潰其封三時不愆八蜡以通由稔  
而登大熟重逢

潤彼枯稿蘇此疲癯田有歌聲里無戚容謝神  
于社伐鼓擊鑪

大河七章章六句

客有問唐朝科目何如我朝者因為是

詩應之

大唐制科名多實罕長材廣度辭標文苑風雅  
古調智謀宏遠志烈秋霜文律辭殫賢良方正  
直言侃侃抱器懷能隨時舒卷孝弟力田聞於  
里閭逸淪屠釣困窮偃蹇博學宏詞名實無忝

達于吏理明果能斷搜羅不遺國運綿衍偏重  
詩賦是其所短求尚理學辨章個烜至於前元  
為政多舛胡漢兩科胡榮漢報晚專奔競賢才  
踈散 太祖開天八方納款版籍就程草竊盡  
剪並用三途行年不限辟薦科貢名登仕版兼  
摠前朝令甲巖簡開科比試文武並攬文試經  
術才猷書箒武觀騎射勇略精悍安南高麗不  
分殊產立賢無方禮賢設館可比隆古鄉舉里  
選但觸國禁罪不可緩削籍仆碑人情譎難不



樂仕進林泉仰偃 英廟以來辟舉日鮮歲貢  
亦輕進士尊顯賢雋彬彬仕途坦坦或外或中  
志舒名滿不貴徒言躬行實踐恪守官箴慎修  
行檢官邪吏貪無由苟免國法不容物議難掩  
輕則罷斥重則刑遣條綱漸壞弊端不殄倖位  
亦多科名力舉文浮而虛味短而淺救革以質  
勢極當反薄劣寡聞聊述舊典測海以蠡窺天  
以管國體通達則吾豈敢

贈武定兵備饒湖田

林有虎樵蘇見阻君子其來荷戈殺汝  
陸有豺戕我形骸今得無恐君子其來

林虎二章章四句

五言古詩

遊山莊

折枝驅蹇驢囊破路遺書饑瘦兩村僕短衣不  
掩裾旱熱時當午塵途甚趑趄一僕氣猶壯一  
僕力不舒壯者唱山歌倦者長歎歎路窮林忽  
出報已抵山居士壁架草屋依巖成里間知有  
遠客到田父欣候余為黍必殺雞飛過隣廬  
開甕出濁醪提筐剪野蔬醉飽臥繩床一夢遊  
華胥醒來山月上起步隨所如念覺夜氣清頓

教塵慮除若非畏擾主一月不歸歟

觀馬和之詩經圖

錢塘馬工部畫筆擅江潭雖然效吳裝其實可  
並騫孝宗與上皇珍藏凡幾函曾命為詩圖首  
先寫寫覃函風總不遺擇取在二商所重惟農  
事稼穡及桑蚕道君善花鳥視此寧無慚

閔農

二麥已蠶收早禾葉未抽惟言打麥怨咨夏僅  
免亢陽難有秋逋負不能償逃亡不可留貧者

賣兒女富者賣馬牛倒懸誰與解沈痼何時瘳  
民貧盜必侈靡靡起戈矛古來有明驗君子懷  
隱憂願言司牧者亟為遑 宸旒

紀舊事

客有為小卿同時居京師吾罷渠方熾鑿刺惟  
孜孜乞哀當昏夜行賄恐後時爭走終南捷不  
恤路人唾踪跡忽彰露譏彈首見麾奴迹門吏  
散遷謫向邊陲不但祿位失兼之名節虧智衰  
謀計左色沮語言遷居人不覺久泥塗力難支

飛書浼當路天風幸早吹不敢望召還但求且  
量移濁潦暫解渴攜食亦充饑人言猶不靜京  
考忽及期仍以舊時事免官分所宜還鄉行不  
進難見舊親知戲子罷登場洗去粉與脂始覩  
真面目羞恨剃鬚眉醜態儼如昨悔心不可追  
冥行古有戒銓曹固無私

富村翁

家世本山丘事業惟田疇經年一到縣半生不  
到州赴齋乘牝馬宰社推肥牛燠乾一雨足談

笑復歌謳多收十斛麥心輕萬戶侯黍穀歸倉  
廩高聲便唱籌曆書不會看何以辨春秋花開  
是春種花落是秋收晦前月如盤朔後月如鉤  
胸中無別慮身外復何求吾惟曾作吏浸淫有  
智謀若是終田舍此老共為儔

元夕

焚香拜母筵有客來相訪云歷四通衢無一燈  
可賞曩歲當此夕華燈錯相晃香風蔽地來寶  
月中天朗士女與妖童三三或兩兩群遊及晨

鐘笑歌還鼓掌有司虞風火急出防閑榜自後  
歲不登冠盜時擾攘佳節雖云同樂事不及往  
話罷客出門因之動遐想

將除服有作

未塋服不改深衣與練冠母亡及禫除改之心  
不安但守時王制稍為更其端衰病力不任久  
以塋多難足復被重傷行步長蹣跚明春必衰  
事積罪或可寬身世等飄梗光陰如逝湍當良  
悲柝捲當寢憶熊丸廢詩哀王裒刻形效丁蘭



道念母存日抱孫笑相看乃今俱已矣五內徒  
辛酸短嘆復長號交頤涕洟瀾

暑夜讀史

用人如積薪後至反居上去惡如逐獸猛者不  
敢傍功高多不封疑深為叢謗佞或以巧逢賢  
或以直放貞士羞折腰茂宰徒強項忠臣不二  
心孝子誅終養用舍關朝政責在君與相史以  
鑒興衰讀之增感愴盛暑助燈輝蚊蚋集書幌  
囊螢效車胤燃藜擬劉向倦極方掩書月出薰

風蕩乘涼可安寢近事渾已忘何為對隙跡令人情不暢

京友怪予久無書問解以是詩

禁嚴潛住京官吏曾遭黜

罷間官吏潛住京師有禁

居人盡

入京寧不與同律懶書效稽康上書笑韓愈奚必泥功名養生亦多術

林居追憶往事

嚮用笑彈冠不如且考槃棲息性相安不思再賜環乘風行柳下伴月卧花間身外無餘物心

內有餘閒往以遊華省微幸竊冰銜已分破崖  
岸猶自起波瀾同時八九子相次失其官但看  
摧折易莫道生才難

喜得脉泉李方伯還家

李君負經濟聲價重太呂生值 聖明君超三  
還邁五出入三十年臺省及州府由縣歷方岳  
俸餘一無取是處吏畏威所至民安堵遷移向  
南天萬里路險阻暫時屈遠方終當踐台輔群  
工無貶辭同官造飛語免官以老疾失實誰與

剖髮黑且善飯力强步輕舉喧客首問君君意  
不少憊婉辭權應客昔疾今幸去促駕治行裝  
即日便解組藩司失一賢吾今喜有侶不但是  
通家交好兩無拒壯歲更同朝自幼相爾汝別  
久情愈切朝夕空延佇音塵知不遙命僕具雞  
黍掃榻潔門庭敲冰兼酌醕予以叙舊懷予以  
清煩暑僕馬忽抵鄉鄉人正喜雨行李甚蕭條  
先驅無負弩雅志笑桓榮區區誇稽古宗元在  
遠地猿鳥久與伍絕域使班超老年思鄉上

不止商人仕宦皆為掾昔走無定方今歸有寧  
宇行藏隨所遭為虎亦為鼠行則列廟堂藏則  
棲猷猷遊矣脫朝紳欣然偶田父有時除茂草  
有時牽芳杜帶月弄潺湲鶴洲及鳧渚驚夢疑  
朝鍾靜聽乃社鼓新詩寺壁題薺羹僧舍煮鹿  
豕不離門魚蝦長登俎列子四十年興居在園  
圃古人獲我心惡僚不可與官尊少全歸全可  
屈指數井竭以其甘李存以其苦人羨吾與君  
林泉各得所相要至百年相語傾肺腑村鎮况

比隣往來迭為主飽飯愧無功緝書差有補見  
程王克著論衡置筆遍牆柱尸位有媿顏梁竦  
為七序得用惟經學不須守傳註昨聞有檄下  
備查君出處事多急用人早晚有徵取若非南  
備倭定然北却虜譬諸舉大木衆力呼邪許閉  
門倘堅卧何以慰 當宁還復登廟廊莫戀舊  
版築大旱沛膏霖兼為周仲甫聲名人共聞勳  
業人爭覩吾不賦招隱君須惠農譜得朋復失  
之獨行仍踽踽

九子詩共九首有序

李崆峒有九子詩率多詩文之友子亦有友  
九人焉詩文而兼經濟者也勿論經濟其詩  
文不屑乎今而實不外乎今不蹈乎古而實  
不遠乎古有可掩蔽前九子者焉閻履仕途  
相繼一蹶弗起惟趙浚谷起而復蹶產各殊  
方無緣再會別近者亦且十年餘矣丙辰六  
月六日熱蒸坐甑蚊衆成雷通宵不能假寐  
安得高閣逸風而玉井含霜乎起步中庭仰

見玉繩將低銀河已徙爰念同心作為九詩  
歌之童子群然和之聲驚隣舍古謂朝歌歌  
非其時然則予歌誠亦非時而予情有不能  
已耳次日困卧邊起即命歌童從而記之

李愚谷奔臣

近有一函使爰自齊城來拜使發其函故人遠  
見懷首叙別離久繼及病為災雖云親湯藥猶  
不廢啣杯夜則注六經日則登古臺注經有獨  
得弔古有餘哀有時為詩文詩細而文該濟時



富經畧可惜困蒿萊君才猶偃蹇况我更非才

劉嵩陽繪

皇家設諫垣勝任實為難不專王言出百職要  
繩彈夏相昔貪縱獨能發其奸奏疏雖留中丰  
采動朝班出之守遠郡民安樂管絃台臣勢方  
張就間已為寬我事與君同不為彼所歡我歸  
負耕耒君歸執釣竿兼能為辭賦獨步登騷壇  
側聞環溪勝無緣一縱觀安得如飛鳥南翔假  
羽翰兩送兵生去臨風徒自嘆

羅念菴洪先

學宮得書札遠自南州發外封托置郵雖遲終

必達足何相思深不愁鱗鴻乏

有一公文章立儒學開折劑之

則念菴寄書也亦可謂篤於思而巧於計矣

少小承庭訓清白守家

法理學窺孔孟對策擬董賈賜第第一人置身

在禁闈曲木人不愛直木乃先伐歸來仍故吾

升沉何足訝藜杖隨身便尊羨溜齒滑年與德

俱進傳聞尚黑髮真機長不息病根能悉拔處

友最沈密教人成卓犖考禮輕小戴為文振大

雅義行重里閭飛聲遍天下  
韞玉待時沽非君  
索高價

呂江峯高

呂子有仙骨近好長生術  
自遊揚州迴杜門再  
不出上無覆身瓦下無充腸粟  
不能奉兄長固  
宜惱童僕市道在門內  
路人何足恤治生甚拙  
据俯仰今稍裕釋棄原非罪  
心不少拂鬱駕部  
昔為郎應變出倉卒  
督學在東方教勤無棄物  
才名忌者多仕途遂乾沒  
公論終難泯有人直

吾曲暫鍛凌雲翼會展追風足

熊南沙過

祠郎熊叔子博學獨稱最為文奇且古不甚求  
豐沛夙善說麟經易惟以理會

舊有春秋就正錄後更著易

坦直無他腸定交在傾蓋頰首視薄夫江河與  
溝澮遷謫為下僚曾不易其介踈簡懶折腰豈  
能更束帶嘵嘵憎多口失官庸何害西蜀舊布  
衣名正心為快

開罷辭友拜刺止稱西蜀布衣某

既不容於內

又不容於外一人何足惜世道可勝慨

唐荆川順之

唐君吾畏友，剛果而有斷。讀書古左史，拜官今右諫。多能乃其餘，象緯善推筭。兩任兩見麾，不能為巧宦。羞稱卞和氏，荆玉輕三獻。著書似揚雄，解嘲兼解難。又復似稽康，因而成懶慢。戰勝身漸肥，寡營病已間。工文恐後思，破焚筆與硯。見聞久棄捐，心性能磨煉。所居滿蓬蒿，所食惟藜藿。他人或不堪，妻子俱無怨。但聞司牧貪，憤恨時扼腕。別去歷歲時，生來異鄉縣。何日得合

弁再聽新雄辯

趙浚谷時春

披褐謁 天子未冠旅長安文首南宮選名高  
北斗懸止知登第易不虞行路難樹背無萱草  
令人長憂嘆彈奸激義氣交毀出無端貧歸空  
四壁一日不再餐牧豕在床下飯牛過山前  
徵賢不遺遠 主德越義軒嘉其文且博宮院列  
清銜上書再失指仍守舊漁灘邊疆忽不靖羽  
書日夜傳烽火隣京國不但寇祁連起廢理兵

事仗劍擄征鞍朔風吹易水漢月照胡天馬嘶  
人慘慄龍戰血彌漫功多賞不及何以斬樓蘭  
牙將無歡色材官多苦顏柙下三宜黜阮生七  
不堪何時重聚首西望隔秦關恨無縮地術相  
憶摧心肝慰愁檢佳集愁多不忍看

王遵巖慎中

罷秩中傷日年纔三十三不惟聞世務人情亦  
飽諳冲霄負奇氣懸河善劇談曾效蘇門嘯還  
將禹穴探馬群空冀北鴻名播斗南才真當一

面與弟為二難養家有柑圃養身有菊潭新居  
瞻祖兆舊市起晴嵐往日太英發年來更渾涵  
美玉及龍劍名高實不慚圭角既磨砥芒穎復  
韜函有徵須早出莫得老雲巖

潘春谷高

外考作不及人心駭且警措劾非言路擬議非  
臺省罷官出內批何由加一等貴人懷私憤假  
公得一逞鳥乃驚曲木蛇乃是弓影知者聲其  
寃不知尤其鯁英雄不被讒勳業外翁並

謂王  
晉溪



年少識兵機兼能和將領圖形上雲臺勒銘於  
鍾鼎屢徵屢見撓天下空延頸時輩盡滔滔賢  
人徒耿耿向在關西日軍容嚴且整督府稱其  
能謂可備邊境薦疏不能救有如投諸井有書  
過千卷有田不一頃食指日漸多難辭饑與冷  
結綠在盤囊何時露鋒穎驥不遇孫陽駿足無  
由騁壯士挾天下不須惜光景萬里只嗟步千  
年猶俄頃

平陽哀

平陽哀者哀平陽府也嘉靖三十四年十二月十二日夜半山陝地震而山西似猶過之山西地震而平陽似又過之遠近同時起西北直往東南後雖屢震不止止有初次為災平陽所屬蒲解絳隰霍吉六州臨晉猗氏榮河安邑翼城聞喜垣曲岳陽曲沃大寧靈石萬泉永和芮城石樓稷山臨汾襄陵洪洞趙城汾西浮山平陸太平鄉寧夏絳蒲一十八縣壓死軍民四萬二千九百六十五名口塌

毀房屋一十五萬六千五百六十七間土窰  
二萬六千六十七空頭畜三萬一千三百九  
十五頭匹其蒲州榮河安邑臨晉十去八九  
數難盡查大約不下十數萬較之有名可查  
者損傷多矣止蒲州一處鄉士夫及遊宦死  
者如劉大叅白少叅楊苟二僉憲楊尚書因  
驚病死白叅一門共死七人揚州判亦七人  
宗藩尤為可憫厭薨山陰王一位輔國將軍  
四位承國將軍一位鎮國中尉十七位輔國

中尉三位庶人五位縣主一位郡君一位淑  
人一夫人四宗儀儀賓半俸儀賓共七員未  
請名封子女并宮人一百八十六名口宮室  
宗廟宗學五百九十餘間其城墻城樓壞者  
在處有之陝西地方則西安府華乾耀等州  
咸寧長安三原涇陽富平臨潼興平高陵咸陽鄠  
縣淳化真寧渭南等縣地方廣濶災傷數多  
但比之平陽一府則不及矣宗藩聞亦若是  
不哀陝而哀平陽以有來自彼處就熟揆衷

者言之切而得之詳庶詩為真情序為實錄也四方災異層見疊出倭寇戕害三吳兩浙處所不止對半竊據不止三年今并正月初一日新敞鎮折川兵一千二十一日山東河南等處兵五百尚叅將一員指揮等十三員三月二十六日報到倭船八十隻陸續到者尤衆四月初三日在伯蔡港初七日在狼山搶去張把總十四日突入慈谿殺死居民不計其數鄉官腰金者三十餘茶毒名邑一空

困薄杭城劫掠瓜州儀真江陰等處又有一  
部常熟種田揚州關廂已被燒燬桐鄉知縣  
放一應死王秀才領兵五百立功贖罪出即  
降賊彎弓反射遂誅其十九口家屬今豎雲  
梯攻城復讐五月初五燒無錫一住十七日  
南燒至望亭鎮許墅關北至高橋巡檢司橫  
林落舍二鎮及各鄉村三百餘里又燒常州  
關廂并奔牛呂城二巡檢司本月二十七日燒  
丹徒大約南寧波北揚州東上海西湖州四

面二千餘里民謠有兵戈起練川流血染崑  
山及吳越干戈動嘉湖作戰場云云其他訛  
言不可勝紀大端東南財力已竭西北自然  
坐困近差陳可願探聽迴還呈稱行到五島  
偶遇毛海峯語以藩司移咨事情彼即報稱  
同伴汪五峯今名王直在此日久素識夷情  
願殺賊立功只是國王孱弱號令不行惟山  
口獨稱霸主九事俱得自裁有言皆由通番  
奸商及毛王二人勾引島夷為寇又有言彼

國連年荒旱米價騰貴專恃四外貿易因此  
自造船隻合夥入寇而國王不知今云已傳  
諭五島禁戢不來入犯難以輕信或毛王畏  
懼本生傳諭國王曲為誘阻或悔悟已深懷  
戀鄉土乘機立功亦不可知惟能先剿舟山  
等處零賊有功心跡既明然後與官軍犄角  
掃蕩窠穴總督撫按先有犒賞所獲功次隨  
時具奏自有殊恩大拜照舊納貢開市若陽  
順陰逆旁推別調以老我師必出神筭加大



兵臨機制勝自有不能殫述事宜地震倭寇  
乃災害之極大者故于前因近報紀之特詳  
然尚有不能盡者林泉廢人無由與知豈惟  
有媿廣川之筆徐仲車目瞶耳聵面壁十年  
不與四方士夫一接問之天下事無一不知  
者鄙人有媿多矣占云地者積陰成質地震  
者陰有餘也不有饑荒必有流血又曰地震  
有聲者天下兵起又曰地裂陷者羗夷兵叛  
中國者陽也外夷者陰也地震應驗非一大

率以陰薄陽之象地震已為民災而兆又有  
災民生何不辰也

皇上道孚太素德擬重玄道已成而望若未見  
德優入而謙不自居施不測之恩威有無方  
之神化行看海不揚波五氣順軌永一統無  
窮之治而收五兵不試之功中變外寇奚足  
為患哉古云天心仁愛人君特出災異以譴  
告之楚莊王見天不赤警則曰天其忘予今災  
奇異多天其不忘且以仁愛而成盛治歟平

陽客將辭行因以是告之少慰其心并係之  
以詩以瀉予哀云

地震今方定平陽有客來向予泣且訴就食行  
當迴去歲冬之夜古今無此災有如地維坼忽  
然鳴疾雷屋傾同拉朽墻塌類崩崖物畜不足  
恤民命等蒿菜豈獨民遭困宗藩半劫灰土  
高約丈餘火似焚油柴大埠成深澗平地起隆  
堆湖湘天決裂陝右地崩摧秦晉災相似人情  
尚喧逐四方多變異詎止平陽哀戶曹倏降火

渭流却逆回山崩兼泉湧彗見復風霾犬育在  
鷄卵蛇出由人懷雨豆血淋漓妖鳥羽毳麴虎  
產於猪腹人生自驚胎李樹忽結瓜多而更且  
魁夜見火城出蓮從土畚開遠路無輕擔窮民  
反重差徵求及鷄狗刑罰及嬰孩倭寇今熾盛  
慈谿餘燼煨兵戈逼杭郡風聲震江淮訛言亦  
可畏藏機不易猜吾病且無謀何以保行骸久  
以嗣為慮兼以老見催一二有經濟不見起朋  
儕致祥氣必和致異氣必乖 聖人今在上自

能平泰階天心見仁愛災奏司天臺春秋聊紀  
異深媿廣川才

勉軍士三首

竈前聞溺聲月沉夜方徂斥問何為者答言吾  
乃符胡不於戶外戶外鬼柳榆書符欲辟鬼乃  
為鬼所驅征倭見倭走軍前多懦夫糧賞空糜  
費嗟哉符不如

客行偶晚歸風雨冥前途迴顧電光中乃有追  
且呼羽衣頰而長貌醜兼多鬚以爲是鬼物恐

懼急奔趨追者叫相待吾乃有名巫扶持至城  
郭必當報以符貴符為驅鬼符本巫所書巫身  
不自保其術總然虛征倭見倭走軍前多懦夫  
糧賞空糜費嘆哉巫不如

病者須善藥訪醫甚勤渠衆推一院長知脉善  
方書食祿歷年久活人千有餘竭誠造其室具  
禮縛且都立候久不出出用兩人扶痰喘聲難  
續瘦黃面不舒鼻衄膝長痛唇焦背發疽病者  
乃大笑不別便登車若果有奇術先將已病除

征倭見倭走軍前多懦夫糧賞空糜費嗟哉  
不如

自敘

松栢伏磐石側出終凌雲隼雖暫塌翅迴旋薄  
蒼旻迴旋吾不能側出苦無因既非後凋材鳥  
雀與同群壯志已焉矣耕釣藏其身

邊事二首

邊事最堪憂達人悉知否壅蔽日愈深紀絡壞  
已久失機却報捷虜級乃華首割尸猶不可避

兵遭毒手或是單行客或是孀居婦虜中得逃  
迴命復如芻狗虜至避其鋒虜歸尾其後拾得  
牛馬還邊功便借口結士少歡心行事多掣肘  
燃眉救眼前噬臍將誰咎月糧倘得數年例依  
期有缺伍早補完方能掃羣醜安得朔方將更  
有西河守邊塵盡日清虜騎中宵走一身難安  
危千年名不朽予非杞國人願作橋中叟飄然  
出帝京久矣棲歛畝世事不關愁著暮兼飲酒

又



邊急請內帑三軍賴存活譬諸行貨人價爭少  
與夥賣價聲千文買將七百削遠汲山上泉近  
救道傍渴管田難稽查屯田久占沒薪桂米如  
珠鹽引空擔閣債帥劇貪婪皮去仍加剝外夷  
且莫防內變或將作必湏破格方亟服瞑眩藥  
愚婦不勝愁智者寧無覺

贈王南岷

昔為姑蘇守不寶姑蘇物番索旋致鄉惟携一  
枯木俸餘五十金深藏用土覆掘出助公需顏

色不少拂歷任操愈嚴清風長拂拂官階今已  
崇官事久而熟屬吏畏其威下民受其福文雅  
鮮與倫不專能幹局新來嬰末疾喜聞藥已勿  
貪風日漸長民生日以蹙如君得百人內卿外  
作牧九有無干戈四時聞絲竹坐享太平春吾  
衰心亦足

冒雪遊繡江寺

出門雪初零入寺勢方大龕前有凍花鉢內堆  
冰菜廢井填欲平禪庵壓將壞鳴聲忽譙人饑

烏衣無賴天花淨不緇  
慧澤融無外迷津惟一  
悟世塵濯八斛安能如  
惠可雪中有冥會

風雪中重遊玉泉寺

昔過玉泉寺為華康仙客  
今再玉泉寺為吊李  
方伯前歲暖如春此來  
寒太劇朔風起石沙玄  
霧迷山澤雪埋走馬蹄  
樹凍棲禽翻失路行迤  
邐喪朋長嘆惜蘭若暫  
停輿濕衣就火炙參禪  
雖夙心其奈日將夕予  
亟趨市城僧仍依香積  
再來多題詩預為掃塵  
壁

紀夢

苦為塵事牽自幸早歸田茅舍渺雲際長安遠  
日邊屬當兩歇後虹影插晴川牛羊散西嶺禾  
黍滿東阡薄暮煙如織中天月上弦側身掩葦  
戶漱齒掬流泉僕夫相枕藉幽人獨未眠萬籟  
寂無聲四顧空茫然倦來聊隱几一夢到鈞天  
醒而還復夢夢境不殊前既得聞廣樂兼承玄  
素編往惟慕其名乃今扣其詮吾惟無外羨神  
清已有年神清夢亦清由此可學僊紀夢偶有

作雜詩更百篇一一詠閒曠但不賦甘泉

苦熱

昏中日在柳炎帝司其職苦渴多病身煩熱何  
相逼浹旬難夜眠近午始朝食止螿藥無能驅  
蚊扇有力莫為觸暑行且就繁陰息官微罷復  
久賜冰胡可得神馳寒露臺夢想雪山域雪山  
峙於

西域  
雪賦

見

妄念不須存秋涼當在即

月

曉從西海沉晚自東山吐行人馬上看離婦聞

中數惟有林泉客四時常作主

七言古詩

寄題葛芝山藏書歌有序

余有好書之病芝山葛子殆甚焉豈非同病相憐者哉然士夫家率喜小說古人解經之書多閣而不行雖則余憫之但求諸紙上之陳言孰如無言尤愈也芝山別余日久願各努力期不負素心則固有千里同堂者矣

芝山葛子書滿屋錦帙牙籤數萬軸架上亂積

七言古詩一  
繩頭書床間總是牛腰束漆字奇文久不傳竹  
簡蝌蚪誰曾目君家盡有古今秘燦爛猶如手  
未觸長天苦誦不輟口夜深還向螢牕讀我亦  
好書真成癖遠搜博訪及窮谷片時不離鉛槧  
間半生正墮魚蟲窟嘗聞世南行秘書天子出  
入隨華鼓結習猶坐陳隋餘獨有河汾尚經術  
只今頗會川上心一笑無言樂事足後四十年  
駕文螭披髮與子遊亭毒

曳石歌



中閤劉公天下士聚石為友有深意以為末俗  
不可交不如友石為有益初時即得太初巖飛  
鷲動鶴相繼至雲谷滴翠扒槎蟾餘悉有名今  
不記十石昔列含輝亭邑人遊宴誇神異巖竇  
分明峯巒聳翠矯首頓足蹙眉伏犀奮激觚觸  
騫騰沉墜偃僕趨進踈齧欹倚巧恠崢嶸挺拔  
峭峙衝斗排雲棲霞掩日夜飛光芒晝屯靈氣  
中有深竅藏龍蛇外多異勢愁魑魅或如公子  
或如傲吏或如衆賓出遊群臣入侍又如躡螭

怒峴蘄烏迅鷲抱犢卧天門戴鰲湧平地太湖  
錦川不可方紫英靈壁徒增媿劉公有時狂興  
發把酒澆石示同志一壺止得飲一杯雖數十  
壺亦不醉公歿十友散不收藤花溝斷空憔悴  
官府居民爭輦載我今喜已得其二有一尚留  
西臯莊野蔓女蘿相掩闕傳聞植立當宅中兄  
弟分居幾遭毀界墻此石礙半尺剝擊其面憑  
利器骨格精神尚宛然誰云好物非完備人取  
我與古有之我取不因人所棄突兀將及一丈

高嶽移頗集群工智宋人魯泚花石綱元時亦  
折糧例蕞爾一石且非遠涉月經旬不可致餽  
囊已拾數十金倩牛各費千斤力何時可得達  
國門屹立新園心始遂我以好石名東方五倍  
割公遷不啻碩移此心養性靈人生百歲真如  
寄君不見古齋老人張受益巨石猶存亭久廢  
麻灣之東牧羊兒踞坐其顛不知避又不見菱  
溪群稚嘯聚時對石終朝恣遊戲富貴豪華似  
水流群石拋擲如散屣始知奇物有廢興始知

人事有更易玩石雖可寄閒情莫教喪志為吾

累此笑前後象恭歌原是三賦因聲調不似賦體改為  
三賦然亦非歌體謔所謂一家不成兩家不說者也

### 妙秋村田樂

山田茅舍野人家世敦儉讓不矜誇半壁古甌  
為伏枕一壺豆液當清茶男僕懵懂如野鹿女  
婢兩手如烏鴉惟是渴飲流霞飯飽胡麻或亦  
類手騎奢一泓綠水村中逸無數青峯戶外斜  
屋裡晦明雲聚散窓前新舊竹交加排空白馬  
傳寒信趁水紅鴛卧暖沙槌槌疎枝多繪木蒼

蒼旻盡蕪穰霜林處處無全葉風荻時時墮  
一范乘興有時遊夜壑居人錯認斗牛槎倉餘  
穀麥鷄豚茂門少催科情興嘉但得身心無係  
累不愁世事轉參差自知裂土原無分堪嘆吾  
生信有涯何必積書藏二酉傳道演三車洞中  
煉丹砂爐內養黃芽又何必博極物理如張華  
太玄未受恨恨如侯芭

殘菊歌

憶昨重陽前一日園中早菊尚蓓蕾花神有意

憐佳節一夜忽開四五枝是後繁花積漸盛侵  
堦夾砌日葳蕤紅黃馥郁爭先發紫白翩翩亦  
不遲亭外因風搖羽扇窓前向日閃金旗更有  
密枝張翠葆蕪多嫩蕊露霞帔密枝嫩蕊他難  
比疑惹天香下鳳池晶瑩有同冰玉骨鮮明不  
減雪霜肌就中何色為佳品醉揚妃與粉西施  
狀元麻葉大紅袍大小胭脂更次之淡白蘄賭  
觀音面玉玲瓏共碧琉璃綉毬瑪瑙金銀紐釵  
釵清香不可緇外列千重為蠟瓣中歲一葉是

波斯蓬頭金眼俱難得更有奇葩割不齊儼若  
點粧黃鶴頂不殊刻鏤粉包然知名搵計百餘  
種遠出三江近出淇亂挿滿頭真醉客斜挑兩  
鬢是歌兒醉客歌兒紛來往主人始一到東籬  
東籬花比年時好欣賞偏宜酒與詩憂心久不  
粘詩筆病足無緣把酒卮寶萼不禁秋雨挫嬌  
顏苦被曉霜欺正當濃麗旋狼籍不怨西風可  
怨誰暖日晴烟過矣凍雲輕霰倍凄其香心  
已上蜂房去殘朵還依曲檻垂浮浪羞稱堯李

樹飄颻一任亂風吹當其灼耀全堪玩偶爾凋  
傷百不宜錦片將填明目枕瑤英長啜可充飢  
開時常有蝶相趁敗後蝶來似不知慘淡幾畦  
難着眼蕭條三徑感愁眉數莖整整數莖亂一  
半亭亭一半款靖節何由拋縣印靈均無以吊  
湘纍雖是靈根猶固秘詎知綠葉捻離披人言  
花影坐間移我嘆花開能幾時遊水光陰留不  
住掀天事業杳難期撫膺自壯丹心在照鏡驚  
看西鬢衰一瘁一榮常事爾莫因殘菊重傷悲



前魯棋歌

無事偏知夏日長，詩書懶讀積匡床。  
有客款門稱國手，敲棋海內號無雙。  
既出大言定絕藝，又疑良賈必深藏。  
呼童延入欣相見，乃是舊識名吳唐。  
京國別來今數載，聲音如昨鬢毛蒼。  
里中棋友來相會，共說棋高不可當。  
惱余奮起試臨局，長嘯高呼如病狂。  
幾度攢眉籌上策，片時屈指得中行。  
能使寸心遠千里，角子百步可穿楊。  
九十之路橫還繼，三十二子定低昂。  
二砲隔物

方擊物直衝五卒不回翔其戈外列如屯戍士  
相中環厚自防將出九宮離窟穴河分兩界守  
封疆馬走首搖頰尾應車傷齒冷為唇亡馬似  
入林之虎豹車為當道之豺狼寧失一子勿履  
危鄉機關莫露出入宜詳或攻其必救以為可  
通之路或因其無備以為致勝之方隻鳧戲水  
機偏巧獨鶴旋空聲愈揚鼓角喧闐驍朔漠旌  
旗蕩漾映甘涼一天雨驟燕山黑萬里雲長塞  
草黃震曜聲容披草木巖洞號令肅風霜一蒂

輕飛穿急峽  
投鞭掃可斷  
長江談笑風生白羽  
扇指揮霧湧碧油幢  
驅獲三千虜族分數十二  
龍驤捷如馳八駿  
陰如埃五羊或盟於召或會  
於黃不但雄兵擊草地  
能將天組繫名王青海  
又聞征可汗白登  
忽報走高皇  
連如圍首連入  
巢倏忽連連誰能量  
猶驥遠揮威虎穴喧  
譁不成聞鷓鴣危如  
張許矣孤壘快比孫  
劉保一方戰陣日影  
移松編畢剗之聲  
聞竹窓近友旁觀  
如看法度人妻  
義節高歌青玉案  
擁

金龜紫羅囊香袂揮塵敗秦壁項王勢蹙別  
高懸紫行老羅今仗拙失米遊龜不跳梁慄疾  
無殊唐禮元追奉有類犬群羊今番敗北愁東  
魯誤道馳聲清風揚香以棋名播天下後先訪  
者紛紛望春風綠柳有職守屢會來相共曹楊  
二吳梅卷不揮送一嫩一來惟小張神品方能  
稱入室有如此筆只升堂君不見鐵冠道人不  
喜棋楨却閒心終有傷陶侃將棋授諸水運甃  
習勞力不遑學成無用屠龍技作歌何事自誇

張聞人譽已謙為美惟有棋家必自揚况我年  
高猶乏嗣精神收斂自然無病而繁昌

後象棋歌

象戲傳流七國時定名演義周武帝顛倒豪傑  
掌握中收羅神鬼歸曾臆變化無端幽玄莫測  
意在子前神遊局內八路湏通九宮慎入莫走  
顛崖宜居要地濟弱扶傾摧強破敵絕勝醉紅  
不必呼白勢有大小貴能善識劍戟倚天長旌  
幢掩日黑莫露語以洩天機在潛形而成獨智

彼強我弱避其峰我寡彼衆張其勢喜降準之  
既昌嘆烏騅之不逝失馬塞翁難豫知救猪奴  
戲不須悲水底魚龍成隊出天邊鴻雁破行飛  
奮翼悍鷄爭赴鬪嘶風駿騎捨交馳五霸紛紛  
相啖噬群雄糾糾自誅夷當頭用砲能蕩衆夾  
肋藏車可突圍衝陣輕驟長不測守宮二士莫  
相離將無急難休輕出左右仍須謹隨護車有  
先鋒保駕名更專劫寨奪旗譽龍離海嶠砲佐  
車去虎下天關馬有卒輔廣略疆場殲殪強禦

如畏晉師如坑秦卒狡兔三穴窮猿一木野狐  
中箭仙人換骨知和而和可速則速或全軍討  
叛或單騎見虜觀之可以暢高情蠲塵慮升沉  
原自有由勝敗會來不定有勇不可無謀五敗  
為求速勝固手得勝防輸劣棋隨手即應或喜  
如獻捷或慚如亡命或見機便決或凝思入定  
無言手自揮坐對心相競上絃河而喜心旁溢  
遊夾岸而怒氣倍增再論不迴之子實為敢死  
之兵周流無滯搏擊擅能車騎尚存周戰法偏

裨曾備漢官名營中八面將軍重河畔斜飛卒  
伍輕飛鷲鷲見連翩影古木時聞剝啄聲忽復  
傾盆半夜雨又疑錯落滿天星勁難與京牢不  
可破玉女投胎飛蛾趨火矢石糾紛戈矛交錯  
帥運謨猷深居帷幄甲兵附麗以相資勿俾分  
離而難活遂虜方聞鴈塞清講和又把鴻溝割繪  
禽場翅怎高飛置兔羈身難遠脫犀角能將一  
水分鰲頭莫遣三山墮大笑推秤驍四鄰天風  
滿屋涼潑潑再較一局用卒當前彼敵為其阻



礙我師借以遮攔行行不斷着着求先縱讐越  
後恤弱刑遷昏中見日火裡生蓮出能破局入  
可斬閔禁子若泰山之壓成家如磐石之安潼  
關險筠道難一夫坐守萬夫莫攀決水而擒龍  
且削木以爲龐消象棋不減圍棋與手談勝與  
俗人談世間之苦有如倒懸橘中之樂豈下商  
山賭酒不輸難中聖用心於博似猶賢迹名海  
島從今日坐隱樵枰不論年招呼衆友終朝為  
戲具一任人情世事雨覆共雲翻

喻意

夢中有客惠佳酒呼奴抱去熱來嘗忽聽鷄聲  
驚夢覺鼻內猶聞酒氣香追悔一時用意錯酒  
佳涼飲有何妨人世百年真一夢夢中有喜有  
悲傷功名得者乘涼飲失者遲迴待熱觴功名  
得失有如此買歌且醉大堤娼

苦熱書懷

憶昨芳辰鶯出谷忽臨朱夏燕巢梁但有片雲  
風灑散何由一雨掃炎光嫩柳陰多涼却少老

槐影短景偏長綠竹園中疑縱火冷泉亭上似  
探湯南畝有憂同父老北窓豈得傲羲皇炙火  
方能療病骨敲冰稍可潤枯腸升沉遠邇俱同  
熱不論林泉與廟廊人生在世無非客官罷回  
家亦是鄉但守困窮嚴節操莫隨時俗改梳粧  
捨官恨少雲中手已疾還須海上方要展奇謀  
為事業不徒操筆擅文章止知平步登鰲背豈  
料人心險馬當萬戶何時侯李廣百年今已老  
馮唐事不得平多感愴似因病熱發顛狂從君

身佩斗大黃金印不如高卧仙人白玉床

夏日聞倭報

少狂有志靜邊疆老病何曾遠出鄉岸柳垂陰  
荷吐香漁竿長是釣斜陽油然一雨減炎光陡  
覺西窓午夢涼醒來餘困坐石床南友忽聞走  
報章開封投贈隻明璫極稱海寇甚猖狂不但  
慈谿首被劊雄兵數萬薄蘇杭震蕩瓜渚及淮  
揚北兵未練何能當海上連年起戰場軍民太  
半著殘傷先朝何術歛避荒皇恩汪濊武威

張可比高宗伐鬼方更兼江漢美宣王平倭安  
得有劉江捷音立袞奏明堂今日聊為詩一  
章莫遣他年讀此淚千行

國朝輔弼歌 止論已逝者

我朝賢相首三楊

文貞士奇文敏  
文定溥世稱三楊

不妄刑人

惟一商

名臣言行錄  
朝宰相不使  
朝宰相不使  
惟商輅而已

幼孜解縉

胡文穆

金文靖解學士  
廣俱建文舊臣

先臣亡國後文皇高

轂有聲在英廟苗袁兩朝亦翱翔旅進旅退二

文憲

彭時景泰元年入閣本年去天順元年復  
入成化十年故費宋正德六年入九年去

十六年復入本年去嘉任淺徐劉及榮襄徐有貞數

靖十四年再入本年故

月劉字數日文和古直有奇節劉徐溥人嘗會

貪賊崔後渠移予書有徐溥之直則偽也人剛稱金編修盡編修奎不足貴尚古玩也

正無如岳脩撰正守溪文行誰能當王恪文隱

二公俱豪俊石熊峰遊張龍湖治賢如文達欬短喪李賢

情起復羅倫以理學文清獨居首薛瑄博聞強記

丘文莊潘陳循謫戍不足惜王文被戮實堪傷

野亭有志惜不久劉忠正德五年自南都入許次年主考會試畢即辭去

彬詔獄氣還昌厚齋雖然失教子梁儲以子渭

厓有傳極稱揚

霍韜有傳白其寬

孝廟初年用

劉吉屢將端毅挫其芒

王恕

南塢善人徒伴食

賈誼

貪稱莊靖佞焦芳陳守正不阿謝文正

遷序菴

能與世低昂

時文儂苦被張淮累

漸貴丁丑會試取三張淮

一張懷

石門子豈濫文場

翟奎子初父

初父子同除

名諺云一高當道雙雙鳳齊鳴二子殊能文

社稷有功石齋老

楊廷和當武宗晏駕迎

立今上擒江彬

朱安等散

洩機八黨李東陽

外家軍有輔佐中興之功

張永谷大用羅祥試問清脩兼謹飭近來毛蔣

劉瑾等稱八黨

昔王黃字紀冕一陽峯岳老也

拜相張壁松臯厚德

世家昌

許讚四登八座

父子納賄招權夏公謹

誅

被貪婪

何止萬文康安官久遠菴劉文靖遠菴有才文

靖方

楊一

未齋文忠馬學士三公俱是狀元郎

顧鼎臣

西樵得君古今少同者惟有桂及張大

禮議成賴

宸斷能為萬世立綱常

方獻夫善

於用人為急務古言宰相無他長

古有名相自

用一人

又言鼻吸三斗醋撐船腹內量難量如

此相臣有一个致君端可並虞唐

白髮嘆



初生白髮兩三莖對鏡微聞太息聲今來白黑  
各相半不須照鏡空長嘆再過幾年白更多不  
知嘆息復如何昔年扈蹕乍離京肩輿都是公  
與卿扣算行年各不小髮黑者多白者少疾馳  
日夜二百里烏藥雖携難染洗忽然一日朝行  
宦人人俱是白頭翁仕途愛少乃常態改頭換  
面巧作恠亦有髮白心轉黑少年心事却明白  
我今又矣離瑣闥胷中素不藏鱗甲頭黑頭白  
取自然不敢尤人不怨天

莊上曲

十年身離五雲鄉，選勝尋幽得此莊。  
鹿遊委巷，魚遊梁山，遠平林水遠，墻有時，萬籟奏笙簧。  
不殊樂向洞庭張，自甘粗糲作齋糧。困內新來有緇梁，但同跛足後人行。莫似直絃死道旁，心有餘閒體自康。便是千金有效方，復河湟。繫名玉，驅遂倭酋，靜海洋。壯志悉從衰病降，悲歌感慨，嗚嗚不復少年狂。

寓言

有人曾學隱形術術猶未得驕其妻試問此身  
不見見妻笑吾眸無鬼迷面面斯覷只咫尺不  
隔比隣與藩籬有身何故不能見無乃精靈為  
變幻夫恠其妻語不情脚蹴手批口相訕次問  
及妻妾佯驚後瞻未已仍前詭言夫主有何  
能藏身不見只聞聲夫喜入市便攫物物主初  
疑怒漸生批蹴更比其妻甚咤聲大罵如雷鳴  
術人高叫任摧殘要見吾身却是難予昔居京  
大拘泥怕叅宰輔與達官踈斥累遭猶不悔馳

身重執舊漁竿

以馬遠松圖寄壽春谷潘母

馬遠丹青古今少能將手筆奪天巧弟兄父子

產河中先後登朝名不小

子遠麟父世榮兄達俱善畫

神妙

真能比范寬精微不但過張藻黃荃徐熙難獨

高雄律定然失荆浩人物山川已擅塲畫松更

覺窮幽渺礫砢靈根入地維鱗皴老幹侵天表

客至庭中知錦屏葉敷簷際張幢葆紛紛青實

長玫瑰拂拂紫茸捧藤薦踈影誤疑明月碎寒

聲苦被秋風攪岩崖乍睹虎蹲伏風雨忽驚龍  
天矯夜半疾雷轟破山雲迷不見蓬萊島妖魔  
照海失其珠重泉蛻骨處煩惱又如壯士遭束  
縛崢嶸志意終無了曾毗負霜表其操吳淑冒  
雪稱其姣沆瀣有華注樹底日月搏光薄樹杪  
流脂凝結為茯苓青牛伏龜皆至寶益壽堪同  
方朔桃養神不異瓊田草沉寘完固保貞心輪  
菌鬱蒼含至道森踈偏于矮屋宜剪除不被雜  
花繞一鶴將雛日日來兩童擁篲時時掃五百

年前不盈把如今數人難合抱潘母樂游乘鳶  
鶴潘子辭官狎魚鳥母賢夙將子教成子孝能  
令母壽考膝下幼孫肩相摩眼前瑣事心無擾  
身健不資藥餌靈髮玄更映容顏好流影偏臨  
華宴遲長春復值瑤池曉有時搔癢把松枝松  
枝有似麻姑爪此圖到日懸高堂母子相看應  
笑倒放勤遠意闌遐齡形可久延如木槁豈獨  
後凋凌歲寒壽將後天長不老

席上小雪歌

冬日酒筵非一設，招賓賞雪始。今朝落花皎潔，  
同歌扇飛絮，輕盈妬舞腰。人道北豐湏滿尺，吾  
欣潤麥不封條。雲中日出猶未出，地上雪消還  
未消。傳聞戍卒少完衣，莫向窮寒塞北飛。

寒雪行

雪深徃歲沒長堤，今幸依稀階石齊。亂洒風前  
蕩粵犬，誤疑天曙叫秦鷄。頓令一夜青山老，重  
壓千竿綠竹低。塩虎斜蹲窺戶牖，玉龍倒掛翫  
撐犁。

藪

藪

藪

藪

藪

藪

藪

藪

藪

藪

藪

藪

藪

藪

藪

藪

藪

藪

藪

藪

藪

藪

先分兔苑題窈窕素娥朝貝闕紛紜白鷺集沙

溪空中不見飛禽影地上惟應踐馬蹄子見莊病

軀起栗寒滋甚翳眼生花望欲迷自暖盃辟寒

犀二物貴珍不可得且補敝貂猥拙妻興狂高

唱陽春曲乘風欲踏上天梯

陳翁六十壽詩泰峯父也

維城有鶴瞿瞿骨高纖纖碧頸瑩瑩羽毛千歲  
為蒼二千為玄口吐龍精落在平田乃生金光  
草采服可以延長年君也已周花甲子綿綿上



壽從今始

從軍行

道逢戍卒走且僵滿面風塵飢又黃  
自稱原是農家子勾丁補伍羽林郎  
有時較射出郊野無事終年食太倉  
手弄寶刀光燦爛口吹鐵笛韻悠揚  
飽暖止知居輦轂艱辛豈料備封疆  
秋高忽爾邊聲動旄頭夜夜吐光芒  
鴈門馬邑傳飛箭狼煙處處遙  
相望亭障龍堆多陷沒夜半血書達  
連章詔下公孤同畫策禁兵點選  
拔其良

有人勸我巧辭避，負國辜恩後。豈昌千日養軍，  
不一出，不如重病卧于床。兵凶戰危，不復慮欣。  
然調馬治軍裝，被命每矜心。慷慨臨岐，難免淚。  
淋浪迅烈，砲聲雷電發。飄飄赤幟，火雲張紛紛。  
虎翼連營壘，對對魚鱗列陣行。離家方及十餘  
日，早已前軍至。大荒蕭蕭白草連，天遠漠漠黃  
雲亘。塞長路滑雨多傷馬足，礮深水咽斷人腸。  
偶值驕胡相格鬪，彼強我弱實難當。骸骨山前  
相撐拄，兵家勝負乃其常。不似今番太慘烈，一

生萬死最堪傷，搜尸天幸獨能免。避影潛形脫  
戰場，朽腹難充隨薦食。征衣斜剪裹金瘡，單飛  
老雀偏悲海。失侶孤鴻却憶霜，病衰戰敗逃軍  
籍。牖下爭如死道旁，望見鄉山空浪喜。到門無  
復舊田桑，賦重差繁難卜著。親隣往歲盡流亡，  
一身落落誰堪倚。四顧茫茫涕滿裳，游子思歸  
如不及。歸家還只是他鄉。

仙子跨鳳圖為高鶴泉乃堂慶壽題

有鳳踟躕雲外翔，紛紛靈氣拂烟霜。身載九苞

呈瑞應羽成五色燦文章軒律一聲協節候虞  
韶九奏韻悠揚朝餐竹實如玉屑夕飲醴泉勝  
甘漿忽然覽輝特來下飛瓊乘之環珮瑤瑤玉  
聲也  
顏色如花貌如月天風飄蕩彩霞裳手捧丹書  
不敢怠金母封識來西方高君母氏逢初度大  
開華宴召歌嬋俯流綺戶香雲暖仰視壺天白  
日長龍笛一吹聲激烈鳳圖高揭動輝光兒孫  
環侍供奇饌賓客爭先舉賀觴爾我致辭雖不  
一同期賢母壽而康母壽定然過一百一年一

度登其堂

魚圖為馬惟則秀才題

是誰畫此金色鱗噴沫煦波甚舒暢搖尾忽驚  
月似鈎奮身只覺江如盎幾番錯過化龍期怒  
聲翻把鳴蛙讓風雷震動天冥冥島嶼浮沉雲  
蕩蕩鞞鞞鼓聲雨脚垂鏗鎗鐘韻潮頭上崐崙  
既道洪河流禹門兩壁森相向只許錦鯉躍成  
龍揚鬣鼓鬣隨風浪霹靂一聲山岳摧紛紛水  
族神魂喪堪嗟鱸鮓與黃鱮撥刺池塘空屈強

尺三銀梭更細翻萍豈識江湖量酒輒吞舟  
各不同人才小大堪相况聊贈此圖懸高壁蕭  
蕭滿座生寒漲待君宴罷鹿鳴歸更掃魚龍變  
化盈庭障

田舍翁歌贈雲峰王士登

城西村落似柴桑衆口同稱是上鄉王氏一門  
為土著雲峰鄉行更無量世情經慣俗緣斷心  
大消除夢境涼獨坐有誰為伴侶打門無吏傲  
羲皇馬經農譜時繙閱數卷丹書委石床人誰

春來粟米細小刀剪得野蔬香風前蘆笛聲高  
下月底牛鞭影短長驅僕及時勤耒耜逢人不  
欲具冠裳閒步携筇輕險阻高歌扣角中宮南  
柳堤掩映斜陽外藥圃平臨古道傍野徑有蒼  
長綠遍園林無樹不紅芳田內早禾集鳥雀山  
頭晚照下牛羊但遇達官急退避每邀詞客共  
徜徉祀欽穀父兼蚕母社鼓闐闐音韻揚花影  
忽移窓外日飄風難掃鬢邊霜暮景催人來促  
促青春背我去堂堂仰觀天上雲方散可愛松

七言古詩三十一  
稍月復光手拙頑童剪燭短興高隣叟引盃長  
門前大樹因風折塲畔堅墻積雨傷肺病秋來  
連日作嗽痰坐卧兩相妨莫謂兒癡不解事孫  
如蘭玉儼成行官租家務俱能辦朝曛湯藥有  
人嘗眼前樂事如君足病起由今壽且康

題瑤池春曉圖壽 衡王

有池海外曰瑤池金母居之不可窺青鳥歌喉  
能入聽紅鸞舞掌自堪怡春融似覺山川醉水  
濶如將世界移皎潔水壺初映綠勻圓寶鏡迥多



葵旭日腫朧鶯語滑東風駘蕩蝶飛迷福地茫  
茫迤濁世仙踪渺渺隔天涯忽驚曙色海邊發  
猶見銀河雲外垂出浴金龍方整駕粘天玉兔  
不曾虧曉露輕沾紅杏萼祥烟密織綠楊絲石  
鯨噴浪偏能遠玉女步塵歸不遲來獻賢王  
千歲壽充庭耀目享多儀手捧玉函龍虎字口  
稱金檢鳳皇辭更有蟠桃千歲實紅如瑪瑙甘  
如飴正當鴻鴈來賓日又是蟄蟲始震時淮南  
好書堪比擬東平樂善可追隨座上善談京氏

易沛猷王善諒京房毫端拈出楚元詩此圖權

易沛猷王善諒京房毫端拈出楚元詩此圖權

代千秋鑑惟願池上桃花吐葩結實長滿萬年  
枝

古鏡歌 許少華見寄未久聞其即下世

矣

許子寓書捐寶鏡殷勤封識自西京啟封如見  
故人面感嘆睽離歲月更寶物由來不易得滿  
堂座客盡皆驚士古方能高譽望鏡如不古不  
通靈此鏡不知出誰氏必然梶冶所親營千年

銅氣俱消盡百鍊冰姿始得成  
涉水端能藏水恠入山可以辟  
山精龍紋錯落土花蝕鳥篆鱗  
皴苔蘚生搖手無波菱自動凝  
眸不月夜長明照時先把流塵  
拂觸處如聞哀玉鳴圓潤隋珠  
誰不羨完歸趙璧喜相迎火齊  
水心那堪比金錯銀華浪得名  
暈去金波偏灑漱萍開芳沼更  
澄平反覩螭鳳蟠渠背高掛蟾  
蜍墮我楹瑩碧將人肝膽見妍  
媿何以外其形置頓雖無瑋瑁  
鏡臺名貴逼近床頭伴短檠十載  
已驚青鬢改幾

朝更覺白髭盈老年得鏡嗟流影盲者得鏡徒  
覆髻况聞許子已物故覩物焉能不慘情可惜  
魏徵亡一鑑側身西望淚如傾誰知覽照臨臺  
意翻作山陽聽笛聲

遊仙引壽南冶馬濟周

世人劫劫度昏朝世事紛紛祇自勞豈若學仙  
遊物外不嬰世網脫塵囂服氣終朝除九患虛  
心每夜扣三茅名在赤書生伏骨爐成丹鼎改  
霜毫黃帝道因廣成子裴航有幸遇雲翹赤松

黃石長相聚金簡靈符遠見招冉冉雲輶遊紫  
府飄飄風駟上青霄蓬島有時撫若木瑤池幾  
度宴蟠桃石髓如泥充美食芝房似玉作嘉餼  
異味芬芳盈夏鼎仙音縹緲聽虞韶變化古來  
稱管輅飛昇不但有王喬蒼龍天矯臨丹竈彩  
鳳和鳴應碧簫馬君生有仙人分累功積行善  
和調仲春吉日乃華誕七十又五年已高馳馬  
不殊當日健挽弓猶似少年豪壽年由此應無  
限長與羣仙共遊遨袁君汝節翁之友托致祝

詞報故交此際聯為遊仙引也年更撰海山謠  
思德堂有序 嶺南翁君為豪家誣訴將

從戎邊鄙其母楊氏具奏四伏 闕下其寃

始釋君因作思德堂以繼之屬予賦詩翁君

大司馬東厓之父楊氏則東厓祖母也

翁君之父好俠客亭亭奇節凌清風壯遊直擬  
漢司馬標格不與今人同可憐白璧蟬易汚  
直見忌奸雄徒飄然受誣不自雪甘心謫竄流  
江湖奇哉揚母丈夫策四扣天闈始一白玄夜

雲開秋月明青霄海運神鵬翮吁嗟乎古來枉  
事詰屈不得伸咸由骨肉非其人即看楊母慨  
慷振精烈頓使萬里寒谷回陽春安居無復遠  
戍苦遷徙不出揭陽闔思德有堂君自結臆開  
四面海之濱嗚呼海水有時竭此心思德無休  
歇

海山謠壽少溪謝亞卿

初度在九月四日

君不見四海相連獨稱東渤澥滄溟名不同迴  
流百川雲縹緲委輸萬壑量金洪一望鯨波無

畔岸千尋蜃氣何龍從  
疏流橫流如地盡元精  
靈氣與天通迎承浪谷容無外吞吐三山勢自  
雄水伯長居島嶼下仙人時聚金銀宮鰲頭穩  
戴波如鏡兔魄東生月似弓水影照臨叢桂綠  
霞光掩映扶桑紅瀛洲眞嶠虛無東方丈蓬萊  
指顧中遙覩之罘知漢跡嘗遊碣石侈秦功又  
不見天下名山首岱宗懸崖盤磴百千重險登  
日觀驚還喜仰視天門峻且崇雲驟易為天下  
雨霜嚴難老澗邊松日升彷彿底波鳥雨歇分



明見彩虹葱嶺岩光全掩日奇峯岌業半浮空  
葱嶺奇峯元阻塞何時神斧鑿鴻濛一線路通  
無限利牧童樵子始相逢四序一年相轉易千  
巖萬壑難形容有時蒼翠如玳貝有時秀麗如  
芙蓉瀑布飛來驚急電颼颼不斷起長風崑崙  
懸崖躡虎豹凌騰怪石舞蛟龍自古天齊標巨  
鎮于今雲關遍玉封百千萬禩聲稱遠七十二  
君封禪降歲星降作東方朔海嶽今鍾謝少翁  
驚人遠邇流芳譽許國平生惟朴忠亞卿歸里權

棲鳳御史 當朝曾跨驄下瞰貪名汨利輩有  
如螺贏與沙蟲宦情不復隨飛絮旅跡何須類  
轉蓬龍山高會今非遠慶壽華筵備且豐月過  
初三光漸復節臨重九菊成叢高秋玉宇金風  
細拂曙金莖玉露濃芝蓋羽旗紛燦爛彩旄翠  
節光曠隴首 微不日勤催吏久廢留予作老  
農卿相功名君唾取惟願壽年長與山海同無  
窮

嘯菴吳相士歌

相法年來誰最精  
兩山李老久馳聲  
應麟牛氏多奇中  
自學燒丹術不行  
更有長清馬宗信  
出言屢驗使人驚  
東方海鶴兼李寶  
有時小失莫相輕  
嘯菴吳子南都彥  
堪與數人同一鳴  
抵掌迂予極稱許  
丰神氣格本天成  
面如同字逢金木  
暮景舒長健且亨  
松柏經霜常獨茂  
竹梅逼歲有餘榮  
回頭自嘆春秋邁  
盈耳人高月旦評  
祇悲親遊情難已  
不做官來夢亦清  
願希智士心如鑑  
堪笑愚夫目似盲  
不解反躬三自省  
惟

搖巧舌屢相爭相術亦有如此者往往令人氣

不平那辨妻強難得子謂眼下有橫肉者每因舅氏識

其甥詩云甥多似舅國初惟有袁忠徹父子齊名鮮與

京僧人智惡亦云可惜中年即喪明有相無

心随心成有心無相遂心生桓溫自是有奇骨

陶侃曾來得異禎和者謂其左手中指有豎理

壁字仍腦貫伏犀當大貴眉長過日有文名

君能一一窮其妙至處人皆倒屣迎此去燕予

勤物色不拘隱逸與公卿伯樂能知千里足方

今誰是萬人英

醫士黃承佑歌有序

姚江黃承佑號龍岬者携醫術客吾章  
城章人病者日起然止一人一身之病  
耳貪殘之病有大於是者於其別歌以  
送之因併及之

君不見世俗尚鬼不降醫病則尋巫恐後時  
間有延醫脫俗者病名藥性一無知反畏劫和顛  
倒用醫來即是鬼相隨吾章近日醫多效外客

黃生吏出奇宣節攻調兼啟燭近宗四子

劉振  
朱李

遠軒岐抱病吾今猶未愈試向黃生一問之在  
心為憂身為病吾病無乃憂所為又不見東國  
民貧勢不支內銷肌骨外瘡痍困踣流離不忍  
見良方妙劑待安施刑簡賦平敷善政是惟良  
牧與醫歸民瘼幸然能脫體吾身獨病亦舒眉

隱居歌

力辭朝市老林泉風景深疑此地偏無限山川  
盈一掬有時日月巧雙懸雜花墻下紛秋蝶五

鄮門前咽暮蟬欲訪高僧過白社改糴大士號  
青蓮可憐馴鶴開籠去覺有毒龍就榻取正喜  
三旬霖雨露豈期萬里斷雲烟當日惟憂節不  
秀秀而今志不能堅周貧恤困廣招延安得個  
山許鑄錢不如歌詠醒還醉萬事無心只聽天  
一醉一醒歌且詠古人何幸獨稱賢

射歌

尼父曾親瞿相國文皇習射殿廷前予雖好射  
苦無力善射良由父且專弓彎月滿猶相近箭

去星流甲自穿嘉儀存揖讓觀德在周旋無事  
萍余鏃有時射廣川猿猴徒抱樹烏落逐鳴弦  
自矜常中的誰敢注縹緲蠅伏獸真神藝紀  
昌貫蠹不絕懸豈知射以不中貴齊見春語兵以  
不用居其先大勇過人能不怒將惟勿殺乃稱  
賢南倭春汛常防海北虜秋高屢寇邊武備不  
如文德重雖有萬千射手將焉用

農歌

君不見神農之世天雨粟劍為耒耜及斧斨



禹隨山刊其木后稷因之藝五穀天有陰陽寒  
與燠地有燥濕旱兼陸田已耕者名為熟昏且  
農祥休失度親踈有禮上下序宅不毛者出里  
布三時深戒奪辰務四野誰敢不耕獲五肉調  
而五味輔五蔬踈而五果助壯者家給人皆足  
老者衣帛還食肉近多貪暴為民牧里老下鄉  
衆遭毒征徭備是及窮獨光明不照逃亡屋民  
火動搖元命促安得緩征薄歛免使閭里向隅  
哭

邊報行

防秋之後已燒荒醜虜無知犯帝鄉入路忽  
從墻子嶺驅羊何以禦豺狼通罕續結親與幸  
愛<sub>續</sub>或行勾引不能詳一番內寇一番利爭說  
其鋒不可當薊西京左多殘破雲屯蟻聚數難  
量道路相傳紛不一血書火報遍相望庚戌年  
間曾有此今冬<sub>乃叶</sub><sub>入</sub><sub>知</sub>十慘毒更堪傷急徵  
韃會近且強內兵精選羽林郎不用勞軍臨細  
柳急須遣將出長楊甲士材官稱宣大奇兵駢

騎首漁陽一為內援一截殺中國之技用其長  
急趨通倉富芻糧過絕歸路嚴為防箭發流星  
弓滿月旗翻急電劍飛霜草枯清野勢難久四  
方勇士况勤王不時掃蕩煙塵淨萬里長瞻日  
月光

說者任良歌

何七琵琶名已久說書任良世鮮有蹴圓關美  
如風柳迭進可娛沐下叟兩人兩足及兩手只  
敵一人談天口捫舌我今如水偶無言默默神

應守任乎任乎卓得醜有餘粟罇有酒莫恃刺  
刺能言長奔走

宛陵山水歌贈三尹胡胡山

陵陽山勢鬱嵯峨環視他山俱不過隱起三峯  
當其勝敵亭百里接坡陀東姑之外有銅井鰲  
峯而下是陽坡青弋有江當宛地近峯更有珍  
珠河河經鐵牛入于宛層巒疊障自森羅山水  
叢中有巨邑土風民俗醇且和租辦無勞嚴督  
責官閒應不廢吟哦簽書文檄同相議

元符間  
各縣

丞尉同赴長官庭簽書  
文檄相議應行事宜  
秋菊春蘭爭幾何唐裴

子餘  
為鄴尉以文法稱同列李朝隱以詞學稱或問  
二子優劣於長史陳崇業應曰春蘭秋菊俱不

可莫謂同寅惟簿小行看異政得民多胡子幼

年有大志學成竟未掇巍科若論時文精至骨

古今詩賦亦無訛雖云行潔操還厲可是心慈

性不苛他日政成超擢後江村重整舊漁簑

贈瘍醫吉遷

瘰癧為瘡亦甚酷纍纍項下森相屬衆道言君  
能治此清源遠致走童僕初見調膏黑似漆後

來改用紅如玉那妨剗散勤敷貼只忌水湯常  
洗浴不待月餘痕漸平更遲數日勢全束早識  
夫君有異能何必他人擅芳燭斡旋造化掌握  
中司命焉能柄延促雖善千方作外科請聽一  
語為忠告百藥其間多有毒從今切莫加罌粟

漁隱歌為邑人劉翦賦

堪笑人情重達官翻將漁父等閑看莫羨達官  
市朝樂市朝雖樂有辛酸為漁亦有風波險風  
波雖險却平安自視披蓑輕錦綬誰知荷笠勝

我冠槎絲垂釣香為餌屈鐵成鉤竹作竿小魚  
响沫遊淺瀨大魚鼓鬣起層瀾大魚小魚隨所  
獲爭似伐檀置河干渺渺兩川風日好茫茫一  
帶水雲寬鸞環鷗渚橫浮易陡絕龍門直上雞  
有時纜舟呼酒侶半臨沙岸半臨湍羊裘獨擁  
巖臺暖豹畧魯潛渭水寒無分遨遊雙鳳闕有  
緣占斷九龍灘我昔為官官亦達釣魚興動謝  
朝端二十餘年甘隱逸得君同志共盤桓

體

憲副黃崖李公誄

上黨黃崖李公諱延康字允吉以通才積學  
第進士以魁貌舉名選御史一任汝寧府推  
兩巡邊腹重地僉事於汴叅議於陝而副使  
則於楚在道十二年而陞臬在臬四年而陞  
藩藩又五年而復陞臬臬且無何而致仕去  
每積久而後陞惟作推三年徵取如常期公  
心實而氣高行方而言直所以淹滯而竟不



獲天用耳然其權貴聞風遠避茶馬交易得  
宜築堤而河不為災整兵而寇皆就執官已  
聞者不避嫌而復其職城文祀者不惜費而  
完其工居卿寺者政業或有不逮素不以詩  
名而高古精華蓋作者流也有閩中集可考  
見而其自謙之辭猶云予不知詩而顧詩者  
聊以取適自怡歸諸裏而已古稱三晉多奇  
節士若公者其人哉不惟早削仕籍而又早  
登仙籙在世年止五十六葬今五六年外矣

南渠李相國志且銘之矣藩叅乾齋先生欲  
公之世行永其傳而兼廣其傳也兩次致書  
中麓山齋大意有云黃崖季父歿後允可闡  
揚之作諸體備矣獨未有誄敢以累及中麓  
山人嘗與公兄漳涯公同舉己丑進士乾齋  
又曾為濟南府推著明允之聲敦公平之政  
息陰者頌木愛屋者及烏而况老年友之同  
母弟舊明府之同其父產者哉爰操柔翰遙  
托郵筒乃作誄曰

於惟李公夫誰與同性真而執貌美而豐外則  
謙退內惟朴忠惡惡冬肅遇善春融生今之世  
古人之風發身儒素列案臣工歷敷中外奔走  
西東公庭寡訟囹圄常空勦捕強寇撫安困窮  
叢林驚隼行跡避駟頌聲洋溢白叟黃童弓掛  
扶桑劍倚崆峒名高北斗氣吐長虹乘輿有作  
詞人之雄白金絲幣恩賜獨階中憲大夫位  
非不崇忌猜罷免未竟其功投林倦鳥高舉冥  
鴻翻然超脫塵世牢籠諫不能盡於惟李公

侍姬張二誄

侍姬張二年十八以嘉靖丁未十一月初四日卒八日榱厝於近遊園之北園在城南三里許誄曰

貌美言溫性堅情真身雖墮落烟花心則迥出風塵贊理內政蔚有令聞年青而折莫究厥因豈爾家之薄福抑蒼蒼之不仁求之於古蓋張真奴其人惜乎不逢呂祖云

虞士表西野像贊

魁然其貌坦然其心內養真有得外物不相侵  
久賓鄉飲寄跡詞林敲碁無倦放筆豪吟能在  
利名展腕不隨塵世浮沉踈狂情性磊落胸襟  
壽年難量其數物理獨觀其深之人也其即古  
之真隱與遺直今之識事而知音者乎

自贊

少壯貌不踰人而况衰年仕宦功未及人而况  
歸田自笑其柔如常漫誇其直如弦舞劍雄豪  
尚在照燈形影相憐無何有之鄉携朋中聖如

是觀之域許我逃禪幸而以苦李獨存枵材獲  
全雜經質史斷簡殘編窮年兀兀終日乾乾于  
以多識于以寡愆然吾詳吾後吾愧吾前斯亦  
不足畏也已小道有可觀者焉相知過許敢不  
勉旃文飛風兩筆掃雲烟黜末學耳食之陋得  
古人心印之傳有出門合輒之通才為閉戶養  
高之時賢名不歿於後日學有弊乎先天反躬  
自照其然豈其然乎

處士王雲峯贊

雲峯王友明敏端確行不苟同志不可奪椎談  
憤激直氣噴薄不存形跡不露圭角善處恩讐  
善藏鋒鐔能審時宜真知詞學若踈而密似文  
而朴為賈為農半村半郭事未至者微霑機緘  
獨能昭然先覺事不平者雖無干涉亦即愀然  
不樂不負急有求者之皈依曾為賢縣主所倚  
托寒素者就之如蓄火溫室燥熱者即之如舍  
風高閣衣則冬惟一褐夏惟一葛食則厚味似  
非養生傷則耽饑且能調藥少年氣猛如彪老

景形瘦如鶴斯其人草堂居士如魏野江湖散  
人如陸游烟波釣徒如張志和將欲逝世而有  
所托耶

雄鎮天邦贊

於美皇明定鼎燕京惟天設險惟地効靈華夷  
隔限民物嘉亨無庸血戰不見金兵秦皇漢武  
雄勇有毅追悔輪臺虛築長城于今邁古至德  
難名敬為贊語以表微誠譬諸蟲鳥應候而鳴  
章人開先太常少卿



洛涯丁二尹像贊

洛涯佐政吾章最久德澤入人最深裁決百為  
朝夕不怠精白一心終始不渝忽爾就閒邑人  
無長少無不涕零心痛以為數十年來僅得此  
真父母乃捨子弟輩而去無依之嘆失所之憂  
由今不免矣巡邏官栢暹遠鵬程李宗傑順民  
之心慰民之思以夏文彥繪其像一送一留中  
麓子敬為之贊曰馭吏凜然如霜非傲也處事  
截然如割非躁也介然如石冷然如水者其操

也温然如玉盎然如春者其貌也至於澹然如  
無懷蕭然如靖節非致政後林泉無窮之樂也  
耶

雉朝飛

雉朝飛寧啄我之梁勿集我之桑去年桑葉綠  
黃蛹釜中翻今年桑葉綠乾殺箔上蚕吊客遠  
方來因之對客說自從吾妻亡使吾紉素缺五  
語一長吁十語一嗚咽吊客咸吾勸勸吾切勿  
悲人生固有命不見雉朝飛

高秋思子辭

嗟余既喪嘉偶兮渝年始隻通媾於齊之東兮  
濟水之陽歸而理中饋兮佐蒸嘗生得一雛兮  
繼承有望聲氣洪碩兮眉目清揚苦為造物所  
奪兮三歲而殤撫之踟眊兮泣下數行送之郊  
野兮摧裂衷腸儵忽秋深兮草木萎黃白露穰  
穰兮又重之以嚴霜日苦短兮夜偏長天寥廓  
兮地迷漭涼月臨東序兮鳴蟋蟀於西堂感時  
物之變遷兮憂不降念兒逝之日遠兮倍頽傷

將何術為之湔釋兮惟遠遊與高翔涉洪河兮  
無舟航登崇岡兮多虎狼徒矯首而延跼夫誰  
知余心之所蔽

樵婦吟五首

卽入深山去採薪遠無伴侶近無親明朝要往  
長街賣賣得錢來且濟貧

更深月上是歸期月滿柴門尚未知豈是儂處  
山低月上早多應卽處山高月上遲

廝守何曾暫別離別離一夜勝多時儂情好似

機頭錦橫也絲來豎也絲

尋郎尋到日三竿郎已跌在山前積水灘殘臂  
病軀無氣力寺門失火救廊難

強負樵郎走且停登高涉險幾曾經雖然此日  
同辛苦勝似夫欠官錢妻受刑

車遙遙

車遙遙遙行未已只載官租不載書史官租  
完日無催擾書史誤人何日了

村女謠

三條踞兒那條光那條路可上東莊東莊有箇  
紅娥女不嫁村夫田舍郎村田雖好他不喜  
陣風來兩鬢飄竈旁門外雞隨犬院後家前  
伴羊一心嫁在市城裡早起梳頭燒好香一壺  
美酒一鍋飯一盞清茶一碗湯從今不見惱懷  
事里老催科又下鄉